

AGINTARIAK ETA LANGILERIA

Izendapenak, egoerak eta gorabeherak

OSAKIDETZA-EUSKAL OSASUN ZERBITZUA

1172

281/2017 EBAZPENA, otsailaren 17koa, Osakidetza-Euskal osasun zerbitzuko zuzendari nagusiarena. Honen bidez, argitara ematen da I. eranskinean sartutako Fakultatibo Mediko eta Teknikoen Talde Profesionaleko Mediku kategoriaren (Familia-medikua Fakultatibo Espezialista - LMAT lanpostu funtzionala) esleipendunen izendapena, pertsonal estatutario finko gisa. Destino horiek Osakidetza-Euskal osasun zerbitzuko erakundeetan daude.

Osakidetza-Euskal osasun zerbitzuko zuzendari nagusiaren uztailaren 15eko 1282/2011 Ebazpenaren bidez, Osakidetza-Euskal osasun zerbitzuan lotura estatutario finkoa lortzeko hautatze-probak arautuko zituzten oinarri orokorrak onartu ziren eta 2011ko uztailaren 27ko 142. EHAAn argitaratu ziren.

Osakidetza-Euskal osasun zerbitzuko zuzendari nagusiaren uztailaren 29ko 1468/2011 Ebazpenaren bidez, Fakultatibo Mediko eta Teknikoen lanbide taldeko Familiako Medikuen kategorian pertsonal estatutarioaren izaeraz jabetzeko aukeraketa-probetarako deia egin zen, destinoa Osakidetza-Euskal osasun zerbitzuko erakunde sanitarioetan izanik. Deialdi hori 2011ko irailaren 15eko EHAAn, 176 zenbakian, argitaratu zen.

Osakidetza-Euskal osasun zerbitzuko zuzendari nagusiaren azaroaren 23ko 1503/2016 Ebazpenaren bidez, argitara eman zen, I. eranskinean barne sustapeneko eta txanda irekian sartutako Fakultatibo Mediko eta Teknikoen Talde Profesionaleko Mediku kategoriaren (Familia-medikua Fakultatibo Espezialista - LMAT lanpostu funtzionala) esleipendunen izendapena, pertsonal estatutario finko gisa. Horren oinarria 2012ko Lekualdatze-lehiaketaren destino eskaintzaren handitzean zegoen.

Aurreko ebazpenetan lanpostuaz jabetzeko ezarritako epea amaituta, txanda irekiko izangaiei oinarri orokorretako 16.8 oinarrian aurreikusitakoari lotutako destinoak eskainiko zaizkie.

Osakidetza-Euskal osasun zerbitzuko Giza Baliabideetako zuzendariaren urtarrilaren 30eko 25/2017 Ebazpenaren bidez, Fakultatibo Mediko eta Teknikoen Talde Profesionaleko Mediku kategorian (Familia-medikua Fakultatibo Espezialista - LMAT lanpostu funtzionala), 2012ko Lekualdatze-lehiaketaren destino-eskaintza zabaltzearen ondoriozko, 2011ko EPEan destino hutsen zerrenda argitaratu zen.

Hortaz, eta indarrean dagoen legediak pertsonal gaietan ematen dizkidan ahalmenez baliaturik,

EBATZI DUT:

Lehenengoa.– EHAAn argitaratzeko agintzea I. eranskinean sartutako Fakultatibo Mediko eta Teknikoen Talde Profesionaleko Mediku kategoriaren (Familia-medikua Fakultatibo Espezialista - LMAT lanpostu funtzionala) esleipendunen izendapena, pertsonal estatutario finko gisa, destinoa Osakidetza-Euskal osasun zerbitzuko erakundeetan izanik.

Bigarrena.– Esleipendunek hilabeteko epea izango dute bakoitzari dagokion destinoko lanpostuaz jabetzeko, ebazpen hau argitaratu eta hurrengo egunetik hasita.

Izangaiak Osakidetza-Euskal osasun zerbitzuko Erakunde Zentralean jabetuko dira destinoez. Horretarako, izangaiek aldeaz aurretik hitzordua eskatu beharko dute, eta ekitaldi horretan agiri hauek aurkeztu beharko dituzte:

– NAN, pasaporte edo gidabaimena edo dokumentu baliokidea Europar Batasuneko edo Europako Esparru Ekonomikoko beste estatu kideren bateko nazionalen kasuan; eta dokumentu mota bera, langileak estatu batetik beste batera libre ibiltzeko aukera aplikatzen zaien estatueta nazionalitatea dutenei dagokienez (Europar Batasuneko Itunaren, Espainiak berretsitako beste-lako itunen edo legeen arabera).

Parte hartzeko eskubidea izanik, Espainiako nazionalitatea ez duten izangaiek nazionalitatea egiaztatzen dien dokumentua aurkeztu behar dute eta, beste Estatu bateko nazionalitatea duen batekiko ahaidetasun-lotura izan edo haren kontura biziz gero, lotura hori dutela egiaztatzen duten dokumentuak ere bai. Era berean, ezkontidearen zinpeko aitortpen bat edo hitzmate bat aurkeztu behar dute beste ezkontideagandik eskubidez bananduta ez dagoela adierazteko eta, hala bada-gokio, izangaia haren kontura edo kargura dagoela adierazteko.

– Elkargoko kide izatearen egiaztatzea, deialdiko oinarri espezifikotan hala eskatzen denean.

– Diziiplina-espedita bidez, izangaia administrazio publikoetako zerbitzuetatik ez dagoela kanporatuta eta eginkizun publikoetarako ez dagoela ezgaitua adierazten duen zinpeko aitortpena edo hitzmatea.

Espainiako nazionalitatea ez duten izangaiek, Espainiako Estatuari buruzko aitortpenaz gain, zinpeko aitortpena edo hitzmatea aurkeztu behar dute, esanez ez daudela eginkizun publikoetarako gaitasunez gabetuta edo antzeko egoera batean, eta orobat haien Estatuan baldintza beretan funtzio publikora sartzeari eragozteko moduko diziiplina-zehapen edo baliokiderik ez dutela.

– Destinoa normaltasunez betetzeko behar den gaitasun psikofisikoa egiaztatzen duen azterketa medikoa, Osakidetza-Euskal osasun zerbitzuko Prebentzio Zerbitzuak emana.

– Adingabearen Babes Juridikorako urtarrilaren 15eko 1/1996 Lege Organikoaren 13.5 artikulua betetzeari buruzko ardura-aitortpena, eta Sexu-delitugileen Erregistro Zentralaren Egiaztatzea lortzeko baimena.

Hirugarrena.– Emandako epe horretan aipatutako agiriekin bertaratzen ez direnak edo agiri horiek aztertuta antzematen bada betebeharren bat betetzen ez dutela, ezingo dira jabetu langile estatutario gisa esleitu zaien destinoaz. Ondorioz, deuseztatuta geratuko dira jarduerak, eta hori ez da eragozpena izango hasierako eskabidean faltsukeriaren bat jartzeagatik izan dezaketen erantzukizuna eskatzeko.

Era berean, interesatuei jakinarazten zaie lanpostuaz jabetzeko ekitaldira dagokion epearen barruan edo, hala bada-gokio, emandako luzapenean aurkeztu ezean, galdu egingo dituztela haultaketa-probei buruzko ebazpenetan aitortutako eskubideak.

Lehenago ezarri bezala, destinoaz jabetzen diren izangaiak eginbide hori bete eta hurrengo egunean hasiko dira lanean, dagokien zerbitzu sanitarioetako erakundeetan.

2017ko martxoaren 6a, astelehena

Laugarrena.– Hautaketa-prozesuko oinarri orokorretako 22. atalean ezarritakoan oinarrituta, ebazpen honen aurka gora jotzeko errekurtoa ezar dakioko Osakidetza-Euskal osasun zerbitzuko Administrazio Kontseiluari, hilabeteko epean, Euskal Herriko Agintaritzaren Aldizkarian argitaratu eta hurrengo egunetik aurrera.

Vitoria-Gasteiz, 2017ko otsailaren 17a.

Osakidetza-Euskal osasun zerbitzuko zuzendari nagusia,
MARÍA JESÚS GEMMA MÚGICA ANDUAGA.

2017ko martxoaren 6a, astelehena

I. ERANSKINA

ONDORIOZKO FASEA - DESTINOEN ESLEIPENA

KATEGORIA: FAKULTATIBO ESP. FAMILIA MEDIKUA - LMT

LANPOSTU FUNTZIONALA: FAKULTATIBO ESP. FAMILIA MEDIKUA - LMT

NAN	Izen-abizenak	Zerbitzu-erakundea	Destinoa	HE	Derrigortasun-data	Lanaldia
16288077Y	Castellano Hurtado, Maria Carmen	Arabako ESI	Arabako ESI Zaballa CP (OZ)	2		Goizez
15958345W	Bussele Lete, Luis Miguel	Bidasoako ESI	Bidasoako ESI Irun erdialdea	2		Arratsaldez
25147268B	Ezpeleta Ascaso, Ignacio	Bilbo-Basurtuko ESI	Bilbo-Basurtuko ESI Bilboko EAG	2		
44970854N	Piris Santamaria, M. ^a Soledad	Debabarreneko ESI	Debabarreneko ESI Ermua (OZ)	2		Goizez
44166635B	Buenetxea Lazkano, Joana	Barrualde-Galdakaoko ESI	Barrualde-Galdakaoko ESI Mendata-Munitibar (Kons.)	2	2008-06-01	Goizez
20175381B	Ulayar Villamor, Leire	Goierri-Urola Garaiko ESI	Goierri-Urola Garaiko ESI Azkoitia (OZ)	2	2010-12-01	Arratsaldez
30582393Y	Unzueta Celayeta, Jose Agustin	Arabako ESI	Arabako ESI Salburua (OZ)	2	2011-06-01	Arratsaldez